

Privredno društvo za proizvodnju i transport gasa

"BH-Gas" d.o.o.Sarajevo

Broj: 01-MŠO-0402-759

Sarajevo, 19.12.2017.

Na osnovu člana 69. Stav 1. tačka (b), stav 2 tačka (d) i članu 70., Zakona o javnim nabavkama BiH (Sl. glasnik BiH br. 39/14), te na osnovu člana 51. Statuta „BH-Gas“ d.o.o. Sarajevo Ugovorni organ donosi,

O D L U K U

o poništenju postupka javne nabavke za unutrašnje snimanje gasovoda

Član 1.

Poništava se postupak javne nabavke putem otvorenog postupka, broj: 876-1-2-241-3-60/17, Unutrašnje snimanje gasovoda, a iz razloga što ni jedna od primljenih ponuda nije prihvatljiva.

Član 2.

Shodno članu 70. stav 6. Zakona o javnim nabavkama BiH, Odluka se objavljuje na internestkoj stranici BH-Gas-a i to istovremeno sa upućivanjem Odluke o poništenju ponuđačima koji su učestvovali u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga putem otvorenog postupka za nabavku Unutrašnjeg snimanja gasovoda, pokrenut Odlukom o pokretanju postupka broj: 01-MŠO-0402-4521/17 od 29.11.2017. godine. Ugovorni organ je 19.12.2017. godine, objavio obavještenje o nabavci na Portalu javnih nabavki broj: 876-1-2-241-3-60/17.

Sažetak obavještenja je objavljen u Službenom glasniku BiH, 19.12.2017. godine.

Ponude su blagovremeno dostavili slijedeći ponuđači:

- Linscan advanced pipe lines & tanks service je dostavio ponudu u ukupnoj vrijednosti od 347.750,00 EUR bez PDV-a. Ponuđač je ponudio popust u iznosu od 10 %, tako da je ukupna vrijednost ponude sa popustom bez PDV-a 313.000,00 EUR. Rok plaćanja je 30 dana od prijema fakture. Rok izvršenja usluga je ne duže od 180 dana.
- TDW Williamson Velika Britanija 420.000,00 EUR Ponuđač nije ponudio popust.Rok plaćanja 30 dana po ispostavi fakture. Rok izvršenja usluge ne duže od 180 dana.

Komisija za nabavku izvršila je otvaranje, pregled i ocjenu primljenih ponuda i utvrdila da dostavljene ponude ne ispunjavaju tražene uslove iz tenderske dokumentacije, zbog čega su ocjenjene kao neprihvatljive.

Detaljnim uvidom u ponudu ponuđača Linscan Dubai, Komisija je ustanovila slijedeće:

- da ponuda nije prevedena od strane ovlaštenog sudskog tumača,
- nije čvrsto uvezana na način da se listovi ne mogu naknadno vaditi ili umetatiti,
- Anex 4 i Anex 5 nisu ovjereni od strane nadležne institucije, ponuđač je dostavio izjavu u kojoj je naveo da nije u mogućnosti ovjeriti Anex 4 i Anex 5 iz razloga što ovi obrasci ne ispunjavaju uslove iz zakonodavstva Ujedinjenih Arapski Emirata, međutim da bi ovakva izjava bila prihvaćena, ponuđač je trebao dostaviti dokaz da je pokušao pribaviti traženu ovjeru,
- u članu 2. Nacrta ugovora (Anex 6) naveden iznos od 347.750,00 EUR, dok je u Obrascu za cijenu ponude, navedena ukupna vrijednost ponude u iznosu od 313.000,00 EUR.
- dokaz o registraciji dostavljen na Arapskom jeziku.

Komisija je detaljnim pregledom ponude ponuđača TDW Williamson Velika Britanija ustanovila slijedeće:

- Izjava o ispunjenosti uslova iz člana 52. Zakona o javnim nabavkama (Anex 4) i Izjava o ispunjenosti uslova iz člana 45. (Anex 5), nisu ovjerene od strane nadležne institucije, općina, sud ili notar, a što je suprotno odredbama tačke 3. Tenderske dokumentacije,
- ponuđač nije ispravno popunio obrazac za cijenu ponude (Anex 2), obzirom da nije označio da li je cijena ponude izražena u KM ili u Eurima,
- Stranice ponude nisu numerisane, suprotno odredbama tačke 4.2. tenderske dokumentacije,
- Nije ispravno popunjen Nacrt ugovora (Anex 6) tenderske dokumentacije,
- Dokaz o registraciji dostavljena neovjerena kopija,
- Spisak izvršenih Ugovora nije dostavljen, dostavljene potvrde na engleskom jeziku bez vrijednosti pojedinačnih ugovora, a što je suprotno odredbama u tački 3.3. tenderske dokumentacije.

Na osnovu svega navedenog Komisija predlaže Upravi Društva da se postupak poništi u skladu sa članom 69. Stav 2), tačka (d), jer ni jedna od primljenih ponuda nije prihvatljiva, te da se započeti postupak ponovi.

Shodno navedenom odlučeno je kao u dipozitivu ove odluke.

Pouka o pravnom lijeku:

Protiv ove odluke može se uložiti žalba u roku od 5 (pet) dana od dana prijema iste sukladno članu 101. Stav (1) pod d. Zakona o javnim nabavkama BiH. Žalba se podnosi neposredno na adresu ugovornog organa: BH-Gas d.o.o. Sarajevo, ul. Obala Kulina bana 8/III, 71 000 Sarajevo, u najmanje 3 (tri) primjerka.

Dostaviti:

- ponuđačima
- ekonomsko finansijskom sektoru
- a/a

UPRAVA BH-GAS D.O.O.

IZVRŠNI DIREKTOR

Haris Hrnjić



DIREKTOR

Jasmin Salkić